



**Sud Bosne i Hercegovine**  
**Суд Босна и Херцеговина**

---

**Predmet broj: S1 2 K 018654 15 K**

**Datum: objavlivanja 27.08.2015. godine**  
**pismenog otpravka 07.09.2015. godine**

---

**Pred sudskim vijećem u sastavu: Amela Huskić, predsjednik vijeća**  
**Ranko Debevec, član vijeća**  
**Mirsad Strika, član vijeća**

**PREDMET TUŽILAŠTVA BOSNE I HERCEGOVINE**  
**protiv**  
**Zdravka Jurkovića, Mladenke Ostojić i Šime Šljivića**

---

**PRESUDA**

---

**Tužilac Tužilaštva Bosne i Hercegovine:**

**Džermin Pašić**

**Branioци optuženih:**

**Advokat Daut Bibić, branilac optuženog Zdravka Jurkovića**

**Advokat Izet Baždarević, branilac optuženih Mladenke Ostojić i Šime Šljivića**

**Zapisničar:**

**Erna Hodžić - Čučak, pravni savjetnik-asistent**

## U IME BOSNE I HERCEGOVINE

Sud Bosne i Hercegovine, u vijeću sastavljenom od sudije Amele Huskić, kao predsjednika vijeća, te sudija Ranka Debevca i Mirsada Strike, kao članova vijeća, uz sudjelovanje pravnog savjetnika – asistenta Erne Hodžić – Čučak, u svojstvu zapisničara, u krivičnom predmetu protiv optuženog Zdravka Jurkovića i dr., zbog krivičnog djela Organizovani kriminal iz člana 250. stav 2. i 3. Krivičnog zakona BiH (KZ BiH), u vezi sa krivičnim djelom Neovlašteni promet opojnih droga iz člana 195. stav 1. KZ BiH, povodom optužnice Tužilaštva BiH broj: T20 0 KTO 0008967 14 od 03.04.2015. godine, koja je potvrđena dana 17.04.2015. godine, nakon održanog pretresa za razmatranje sporazuma o priznanju krivice i ročišta za izricanje krivičnopravne sankcije, u prisustvu tužioca Tužilaštva BiH Džermine Pašića, optuženog Zdravka Jurkovića i njegovog branioca, advokata Dauta Bibića, optuženih Mladenke Ostojić i Šime Šljivića, te njihovog branioca, advokata Izeta Baždarevića, dana 27.08.2015. godine, donio je i javno objavio

## PRESUDU

### Optuženi:

1. **ZDRAVKO JURKOVIĆ**, zvan „Ganfa“, sin Vidoja i majke Mare, rođene Sivrić, rođen 16.03.1958. godine u mjestu Crnići, opština Stolac, gdje je i nastanjen, po narodnosti..., državljanin..., JMBG..., penzioner, oženjen, otac četvoro djece, lošeg imovnog stanja, ranije osuđivan
2. **MLADENKA OSTOJIĆ**, kći Vice i majke Ane, rođene Grbavac, rođena 17.07.1968. godine u Čapljini, s mjestom prebivališta u mjestu Šurmanci b.b. opština Čapljina, po narodnosti..., državljanica..., zaposlena, neudata, bez djece, JMBG..., neosuđivana
3. **ŠIMO ŠLJIVIĆ**, sin Franje i majke Verke rođene Antunović, rođen 02.10.2979. godine u Kaknju, s mjestom prebivališta u ul. Bobanovo selo 196. opština Stolac, po narodnosti..., državljanin..., neoženjen, bez djece, JMBG..., osuđivan

## KRIVI SU

### Što su:

U vremenskom periodu od juna 2014 do 07.11.2014.godine, iako su znali da se radi o opojnim drogama, kao i da nemaju odobrenje nadležnog organa za kupovinu, nabavku, držanje i prodaju opojnih droga, radi sticanja protivpravne imovinske koristi, Zdravko Jurković organizovao i rukovodio grupom za organizovani kriminal, radi neovlaštenog međunarodnog prevoza, prijenosa i prodaje opojne droge „Cannabis“, sa teritorije Bosne i Hercegovine na teritorij Republike Hrvatske, koja je Konvencijom o psihotropnim supstancama od 1971. godine i Rješenjem o popisu opojnih droga („Službeni list R BiH“ br. 2/92 i 13/94) proglašena opojnom drogom i čiji je promet zabranjen u skladu sa odredbama Zakona o proizvodnji i prometu opojnih droga („Službeni list R BiH“ br. 2/92 i 13/94) i Zakona o spriječavanju i suzbijanju zloupotrebe opojnih droga, tako što je u stalnim kontaktima sa drugim pripadnicima grupe za organizovani kriminal, u smislu člana 1. stav 20. KZ BiH, kojoj su pristupili Josip Proleta i Mirko Jurković s boravištem na području R.Hrvatske, Mladenka Ostojić, Šimo Šljivić i druga njima poznata lica, neposredno ili putem svojih mobilnih telefona, davao upute i zadatke o vremenu, mjestu i načinu držanja, prevoza, prenosa i prodaje opojne droge, na što su ovi pristali, pa je svako od njih imao tačno podjeljene uloge i zadatke, i to: Josip Proleta u prevozu i prenosu opojne droge preko međudržavnih granica, te prodaji iste kupcima u Hrvatskoj, Mirko Jurković u pronalasku kupaca i prodaji opojne droge u Hrvatskoj, Mladenka Ostojić u skladištenju-držanju i pripremi opojne droge za prevoz i prenos iste preko međudržavne granice, Šimo Šljivić u posredovanju nabavke, prevoza i prenosa iste preko međudržavne granice, te pronalasku kupaca opojne droge u R.Hrvatskoj, pa su tako nakon što je Zdravko Jurković od njemu poznatih osoba izvršio kupovinu veće količine opojne droge „Cannabis“, koju je zajedno sa Šljivić Šimom preuzeo na području općine Čapljina, tačno neutvrđenu količinu iste skladištili u kući Mladenke Ostojić, zatim kontinuirano vršili međunarodnu prijenos, prevoz i prodaju na područje R. Hrvatske, najmanje 74 kg. opojne droge, od kojih je 64 kg. zaplijenjeno sinhronizovanim akcijama policijskih agencija R Hrvatske i BiH, na način da su:

### **1. Zdravko Jurković**

dana 23.06.2014. godine, nakon što je pripadnik grupe Josip Proleta po uputama Zdravka Jurkovića u svom vozilu „Opel Vektra“ reg. oznaka DU258ET, crvene boje, koji su prethodno namjenski pripremili za skrivanje opojne droge, u gepeku vozila i plinskoj boci koja je imala šupljinu, prevezao na teritoriju R.Hrvatske njima poznatu količinu opojne droge „Cannabis“ i istog dana u večernjim satima sastao se u Puli-R.Hrvatska sa pripadnikom grupe Mirkom Jurkovićem, koji je prethodno po uputama Zdravka Jurkovića stupio u kontakt sa osobama njima znanim kao „Marin,“ i „Neno,“, dogovorio način i količinu kupouprodaje opojne droge „Cannabis“, pa su tom prilikom Mirko Jurković i Josip Proleta ovim osobama prodali količinu od 10 kg opojne droge „Cannabis“ za novčani iznos od 15.000 Eura, nakon čega je Josip Proleta novac od prodaje opojne droge na području BiH predao Zdravku Jurkoviću.

## **2. Zdravko Jurković**

dana 15.07.2014. godine, nakon što je pripadnik grupe Josip Proleta po uputama Zdravka Jurkovića preuzeo i na način opisan tačkom 1., na teritoriju R.Hrvatske prevezao njima poznatu količinu opojne droge „Cannabis, istog dana sastao se u Puli-R.Hrvatska sa pripadnikom grupe Mirkom Jurkovićem, koji je predhodno po uputama Zdravka Jurkovića pronašao kupca za opojnu drogu, nakon čega su Mirko Jurković i Josip Proleta prodali dogovorene količine od 5 kg opojne droge „Cannabis“ licu Frank Matošević za novčani iznos od 6.900 Eura, a nakon izvršene kupoprodaje Josip Proleta se vratio u BiH i predao navedeni novčani iznos Zdravku Jurkoviću.

## **3. Zdravko Jurković, Mladenka Ostojić, Šime Šljivić**

dana 25.07.2014.godine, nakon što je Šime Šljivić po uputama Jurković Zdravka putem mobilnog telefona Mladenki Ostojić prenio zadatak da preda 10 kg. opojne droge „čovjeku“ koji će doći kod nje, pa je Mladenka Ostojić u mjestu Šurmanci općina Čapljina pripadniku grupe Josipu Proleti predala 10 kg. opojne droge „Cannabis“, koju je prethodno skladištila u svojoj kući, koju je ovaj na način opisan tačkom 1. prevezao na teritorij R.Hrvatske, da bi dana 27.07.2014. godine po uputama Zdravka Jurkovića, pripadnik grupe Mirko Jurković stupio u kontakt sa osobom njemu znanom kao „Marin“ i dogovorio način i količinu kupoprodaje opojne droge „Cannabis“, nakon čega su se Mirko Jurković i Josip Proleta u Rijeci-R.Hrvatska sastali sa osobama njima znanim kao „Marin“ i „Neno“, istima su prodali dogovorenu količinu od 10 kg opojne droge „Cannabis“ za novčani iznos od 15.000 Eura, a nakon izvršene kupoprodaje Josip Proleta se vratio u BiH i predao navedeni novčani iznos Zdravku Jurković.

## **4. Zdravko Jurković, Mladenka Ostojić**

Dana 13.10.2014. godine, pripadnik grupe Josip Proleta po uputama Zdravka Jurkovića ponovno došao u kuću Mladenke Ostojić u mjestu Šurmanci, općina Čapljina, kojom prilikom mu je Mladenka Ostojić predala njima poznatu količinu opojne droge „Cannabis“, koju je istog dana u svom vozilu na način kako je opisano tačkom 1. prevezao na teritorij R.Hrvatske, potom licu Davor Nikolić prodao količinu od 15 kg opojne droge „Cannabis“, nakon čega je 14.10.2014. godine Davor Nikolić lišen slobode od strane MUP-a R.Hrvatske kojom prilikom je kod istog pronađena opojna droga.

## **5. Zdravko Jurković i Šime Šljivić**

U vremenskom periodu od 12.08. do 13.08.2014.godine, nakon što je Šimo Šljivić po uputama Jurković Zdravka pronašao u R.Hrvatskoj kupca za kupovinu 7. kg opojne droge „Cannabis“, pripadnik grupe Josip Proleta u svom vozilu na način kako je opisano tačkom 1., istu prevezao na teritorij R.Hrvatske, da bi dana 13.08.2014. godine Josip Proleta u Splitu-R.Hrvatska prodao 7. kg opojne droge „Cannabis“ licu Frano Stošiću, koji je po kupovini iste od strane MUP-a R.Hrvatske lišen slobode i tom prilikom je kod istog

4

pronađena i oduzeta navedena količina, dok je Josipi Proleta novac od prodaje opojne droge predao Zdravku Jurkoviću.

## **6. Zdravko Jurković i Mladenka Ostojić**

U vremenskom periodu od 28.08. do 29.08.2014. godine, nakon što je Zdravko Jurković organizovao isporuku opojne droge „Cannabis“ u količini od 5 kg iz BiH u R.Hrvatsku, dana 28.08.2014. godine pripadnik grupe Josip Proleta, po uputama Zdravka Jurkovića, ponovno došao u kuću Mladenke Ostojić u mjestu Šurmanci, općina Čapljina, kojom prilikom mu je Mladenka Ostojić predala njima poznatu količinu opojne droge „Cannabis“, koju je istog dana u svom vozilu, na način kako je opisano tačkom 1., prevezao na teritorij R.Hrvatske, da bi se dana 29.08.2014. godine, u Puli-R.Hrvatska sastali Josip Proleta i Mirko Jurković, a potom prodali opojnu drogu „Cannabis“ u količini od 5 kg licu Frank Matošević, nakon čega je Proleta Josip neutvrđenu količinu novca od prodaje opojne droge predao Zdravku Jurkoviću.

## **7. Zdravko Jurković**

u vremenskom periodu od 15.10. do 19.10.2014. godine, nakon što je Zdravko Jurković organizovao isporuku opojne droge „Cannabis“ u količini od 15 kg iz BiH u R.Hrvatsku, dana 15.10.2014. godine pripadnik grupe Josip Proleta po uputama Zdravka Jurkovića, prevezao navedenu količinu opojne droge na područje R.Hrvatske u svom vozilu, na način kako je opisano tačkom 1., da bi se dana 19.10.2014. godine po uputama Zdravka Jurkovića u Puli-R.Hrvatska sastali pripadnici grupe Josip Proleta i Mirko Jurković gdje su izvršili prodaju opojne droge „Cannabis“ u količini od 7 kg licu Frank Matoševiću, nakon čega je narednog dana 14.10.2014. godine lice Frank Matošević bio lišen slobode od strane MUP-a R.Hrvatske kojom prilikom je kod istog pronađena navedena količina opojne droge „Cannabis“.

## **8. Zdravko Jurković, Mladenka Ostojić**

u vremenskom periodu od 03.11. do 07.11. 2014. godine, nakon što je Zdravko Jurković organizovao isporuku opojne droge „Cannabis“ u količini od 15 kg, pripadnik grupe Josip Proleta po uputama Zdravka Jurkovića dana 03.11.2014. godine ponovno došao u kuću Mladenke Ostojić u mjestu Šurmanci, općina Čapljina, kojom prilikom mu je Mladenka Ostojić predala opojnu drogu „Cannabis“, koju je istog dana u svom vozilu, na način kako je opisano tačkom 1., prevezao na područje R.Hrvatske, da bi se dana 07.11.2014. godine po uputama Zdravka Jurkovića, pripadnici grupe Mirko Jurković i Josip Proleta sastali sa osombama njima znanim kao „Marin“ i „Neno“, kojom prilikom su istima prodali opojnu drogu „Cannabis“ u količini od 15 kg, nakon čega su lišeni slobode.

**čime je optuženi Zdravko Jurković**, radnjama opisanim u tačkama od 1. do 8. izreke presude počinio krivično djelo Organizovani kriminal iz člana 250. stav 3. u vezi sa

5

krivičnim djelom Neovlašteni promet opojnih droga iz člana 195. stav 1. KZ BiH, **optužena Mladenka Ostojić** radnjama opisanim u tačkama 3., 4., 6. i 8. izreke presude počinila krivično djelo Organizovani kriminal iz člana 250. stav 2. u vezi sa krivičnim djelom Neovlašteni promet opojnih droga iz člana 195. stav 1. KZ BiH, te **optuženi Šimo Šljivić** radnjama opisanim u tačkama 3. i 5. izreke presude počinio krivično djelo Organizovani kriminal iz člana 250. stav 2. u vezi sa krivičnim djelom Neovlašteni promet opojnih droga iz člana 195. stav 1. KZ BiH.

pa Sud, na osnovu članova 39., 42., 48., 49. i 50. stav 1. tačka a) KZ BiH, **optuženog Zdravka Jurkovića osuđuje na:**

**KAZNU ZATVORA  
U TRAJANJU OD 5 (PET) GODINA I 6 (ŠEST) MJESECI**

Na osnovu člana 56. KZ BiH, optuženom Zdravku Jurkoviću se u izrečenu kaznu zatvora ima uračunati vrijeme provedeno u pritvoru i to od 07.11.2014. godine do 05.04.2015. godine.

**Optuženu Mladenku Ostojić**, Sud na osnovu članova 39., 42., 48., 49. i 50. stav 1. tačka b) KZ BiH, **osuđuje na:**

**KAZNU ZATVORA  
U TRAJANJU OD 1 (JEDNE) GODINE**

Na osnovu člana 56. KZ BiH, optuženoj Mladenki Ostojić se u izrečenu kaznu zatvora ima uračunati vrijeme provedeno u pritvoru i to od 07.11.2014. godine do 07.02.2015. godine.

**Optuženog Šimu Šljivića**, Sud na osnovu članova 39., 42., 48., 49. i 50. stav 1. tačka b) KZ BiH, **osuđuje na:**

**KAZNU ZATVORA  
U TRAJANJU OD 2 (DVIJE) GODINE I 6 (ŠEST) MJESECI**

Na osnovu člana 56. KZ BiH, optuženom Šimi Šljiviću se u izrečenu kaznu zatvora ima uračunati vrijeme provedeno u pritvoru i to od 07.11.2014. godine do 07.02.2014. godine.

Na osnovu člana 74. KZ BiH, od optuženih se trajno oduzimaju predmeti upotrijebljeni za izvršenje krivičnog djela, i to: od **optuženog Zdravka Jurkovića**, Mobilni telefon marke "NOKIA", sive boje, serijskog broja 356345058134981 sa SIM karticom korisničkog broja 063/282-928, Mobilni telefon marke "NOKIA", sivo-crne boje, serijskog broja: 351942050254414, koji su oduzeti od optuženog po Potvrdi Državne agencije za istrage i

6

zaštitu o privremenom oduzimanju predmeta, broj: 16-15/1-04-1-8-34/14 od 07.11.2014. godine, od **optužene Mladenke Ostojić**, Mobilni telefon marke "NOKIA", bijele boje, IMEI1-351730062531428 i IMEI2-351730062531436 sa SIM karticom broja 063/823-407, SIM kartica "HEJ" broja 8938703010034322920, Mobilni telefon marke "NOKIA", crne boje i Mobilni telefon marke "NOKIA", bijele boje, koji su oduzeti od optužene po Potvrdi Državne agencije za istrage i zaštitu o privremenom oduzimanju predmeta, broj: 16-15/1-04-1-P-35/14 od 07.11.2014. godine, a od **optuženog Šime Šljivića** mobilni telefon marke „NOKIA“, crne boje, IMEI broja: 354594054539741, telefonskog broja 063/171-589, po Potvrdi o privremenom oduzimanju predmeta, Državne agencije za istrage i zaštitu br. 16-15/1-04-1-8-37/14 od 07.11.2014. godine, Mobilni telefon marke „LG“, crne boje, IMEI broja: 352074-03-852793-2, Mobilni telefon marke „SONY ERICSSON“, crne boje, Kutija u kojoj se nalazi SIM kartica serijskog broja: 8938703010017105695, Kutija od SIM kartice u kojoj se nalaze: SIM kartica serijskog broja: 89385024410003687425 i SIM kartica serijskog broja: 8938592108080134289, koji predmeti su oduzeti po Potvrdi o privremenom oduzimanju predmeta Državne agencije za istrage i zaštitu broj: 16-15/1-04-1-8-36/14 od 07.11.2014. godine.

Na osnovu člana 188. stav 1. ZKP BiH, a u skladu sa članom 186. stav 2. ZKP BiH, optuženi su dužni nadoknaditi troškove sudskog postupka, o čijoj visini će Sud odlučiti posebnim rješenjem, po pribavljanju potrebnih podataka.

## **O b r a z l o ž e n j e**

### **1. Optužba**

Tužilaštvo BiH dana 03.04.2015. godine podiglo je optužnicu broj: T20 0 KTO 000 8967 14 kojom je optužilo Zdravku Jurkoviću zbog krivičnog djela Organizovani kriminal iz člana 250. stav 3. KZ BiH, u vezi sa krivičnim djelom Neovlašteni promet opojnih droga iz člana 195. stav 1. KZ BiH, a Mladenku Ostojić i Šimu Šljivića zbog krivičnog djela Organizovani kriminal iz člana 250. stav 2. KZ BiH, u vezi sa krivičnim djelom Neovlašteni promet opojnih droga iz člana 195. stav 1. KZ BiH.

Navedena optužnica je od strane sudije za prethodno saslušanje potvrđena dana 17.04.2015. godine.

Nakon što su se optuženi, na ročištu za izjašnjenje o krivnji, izjasnili da nisu krivi za krivična djela za koja ih Tužilaštvo BiH optužuje, predmet je upućen sudećem vijeću radi zakazivanja glavnog pretresa.

## 2. Sporazumi o priznanju krivice

Dana 15.07.2015. godine Sud je zaprimio sporazum o priznanju krivice zaključen dana 13.07.2015. godine između **optuženog Zdravka Jurkovića** i njegovog branioca, advokata Dauta Bibića, s jedne strane i Tužilaštva BiH, s druge strane, u kojem optuženi priznaje krivnju za izvršenje krivičnog djela Organizovani kriminal iz člana 250. stav 3. KZ BiH, u vezi sa krivičnim djelom Neovlašteni promet opojnih droga iz člana 195. stav 1. istog zakona, učinjenog na način kako je opisano u činjeničnom supstratu optužnice Tužilaštva BiH od 03.04.2015. godine. Optuženi je sporazumom ugovorio da mu se za počinjenje navedenog krivičnog djela izrekne kaznu zatvora u trajanju od 5 (pet) godina i 6 (šest) mjeseci, kao i da mu se izrekne mjera bezbjednosti oduzimanja predmeta koji su korišteni prilikom izvršenja krivičnog djela (dva mobilna telefona sa sim karticama). Potpisanim sporazumom optuženi se saglasio i da solidarno, sa drugim saoptuženim, snosi troškove krivičnog postupka.

Istog dana, Sud je zaprimio i sporazum o priznanju krivice zaključen dana 13.07.2015. godine između **optužene Mladenke Ostojić** i njenog branioca, advokata Izeta Baždarevića, s jedne strane i Tužilaštva BiH, s druge strane. Predmetnim sporazumom optužena je priznala krivnju za počinjeno krivično djelo Organizovani kriminal iz člana 250. stav 2. KZ BiH, u vezi sa krivičnim djelom Neovlašteni promet opojnih droga iz člana 195. stav 1. KZ BiH, te se saglasila da joj se za navedeno krivično djelo izrekne kazna zatvora u trajanju od 1 (jedne) godine. Takođe, optužena je prihvatila i izricanje mjera bezbjednosti - oduzimanje predmeta koji su korišteni u izvršenju krivičnog djela (tri mobilna telefona i dvije sim kartice), kao i da sa drugim saoptuženim solidarno snosi troškove krivičnog postupka.

Dana 26.08.2015. godine, ovom Sudu je dostavljen i sporazum o priznanju krivnje zaključen između **optuženog Šime Šljivića** i njegovog branioca, advokata Izeta Baždarevića i Tužilaštva BiH dana 24.08.2015. godine, kojim optuženi priznaje krivnju za krivično djelo Organizovani kriminal iz člana 250. stav 2. KZ BiH, u vezi sa krivičnim djelom Neovlašteni promet opojnih droga iz člana 195. stav 1. istog zakona, te je saglasan da mu Sud za isto krivično djelo izrekne kazna zatvora u trajanju od 2 (dvije) godine i 6 (šest) mjeseci. Osim toga, istim sporazumom optuženi je prihvatio i izricanje mjera bezbjednosti, oduzimanja predmeta koji su korišteni prilikom izvršenja krivičnog djela (tri mobilna telefona i dvije kutije, u kojima se nalaze ukupno tri sim kartice), kao i solidarnu uplatu troškova krivičnog postupka.

## 3. Razmatranje sporazuma o priznanju krivice

Sud je razmatrajući zaprimljene sporazume o priznanju krivice, na ročištu koje je tim povodom održao dana 27.08.2015. godine, u skladu sa odredbom člana 231. Zakona o krivičnom postupku BiH, provjerio i utvrdio da su optuženi zaključili sporazume dobrovoljno, svjesno i sa razumijevanjem, da su upoznati sa mogućim posljedicama

zaključenja sporazuma, činjenice da se odriču prava na redovno suđenje, da ne mogu uložiti žalbu na eventualno izrečenu krivičnopravnu sankciju, uključujući i posljedice vezane za oduzimanje imovinske koristi pribavljene krivičnim djelom i troškove krivičnog postupka.

Optuženi su pred Sudom izjasnili da su krivi za djelo za koje su optuženi. U postupku razmatranja izjave o priznanju krivnje optuženih, sud je cjenio dato priznanje, uz ocjenu da li postoji dovoljno dokaza u vezi krivično pravne radnje za koju su priznali krivnju, a sve u cilju donošenja odluke o prihvatanju datog priznanja krivnje. Naime, razmatrajući dato priznanje optuženi Zdravko Jurković, Mladenka Ostojić i Šimo Šljivić, odredili su da su krivi za krivično pravne radnje za koje su optuženi, te da je priznanje krivnje s njihove strane dato bez prisile, svjesno i sa razumjevanjem, da su svjesni svih posljedica koje proističu iz datog priznanja kao i krivično pravne sankcije koja je propisana za to krivično djelo, uz mogućnost obaveze vezane za imovinsko pravni zahtjev i troškove krivičnog postupka.

Razmatrajući navedeno, a nakon što je utvrdio da postoji dovoljno dokaza o krivici optuženih, Sud je odlučio prihvatiti predmetne sporazume o priznanju krivice.

Naime, standard "dovoljno dokaza", koji zakonodavac propisuje kao uslov za prihvatanje sporazuma, Sud je utvrdio na osnovu priznanja optuženih i dokaza koje je Tužilaštvo prezentovalo Sudu. Radi se o sljedećim dokazima: Izještaj o počinjenim krivičnim djelima i počiniteljima, Državna agencija za istrage i zaštitu broj: P-16-15/1-04-1-KU-14/14, od 07.11.2014.godine; Zapisnik o ispitivanju osumnjičenog Jurković Zdravka, Tužilaštvo BiH broj: T20 0 KTO 0008967 14, od 22.01.2015.godine; Zapisnik o ispitivanju osumnjičene Ostojić Mladenke, Tužilaštvo BiH broj: T20 0 KTO 0008967 14, od 08.01.2015.godine; Zapisnik o ispitivanju osumnjičenog Šljivić Šime, Tužilaštvo BiH broj: T20 0 KTO 0008967 14, od 06.02.2015.godine; Naredba Suda BiH broj: S1 2 K 016448 14 Krn 20, od 05.11.2014.godine; Zapisnik o pretresanju stana, drugih prostorija i pokretnih stvari od Jurković Zdravka, Državna agencija za istrage i zaštitu BiH broj: 16-15/1-04-1-31/14, od 07.11.2014.godine; Potvrda o privremenom oduzimanju predmeta od Jurković Zdravka, Državna agencija za istrage i zaštitu broj: 16-15/1-04-1-p-34/14, od 07.11.2014.godine; Naredba Suda BiH broj: S1 2 K 016448 14 Krn 22, od 05.11.2014.godine; Zapisnik o pretresanju stana, drugih prostorija i pokretnih stvari od Mladenke Ostojić, Državna agencija za istrage i zaštitu BiH broj: 16-15/1-04-1-34/14, od 07.11.2014.godine; Potvrda o privremenom oduzimanju predmeta od Ostojić Mladenke, Državna agencija za istrage i zaštitu broj: 16-15/1-04-1-p-35/14, od 07.11.2014.godine; Naredba Suda BiH broj: S1 2 K 016448 14 Krn 23, od 05.11.2014.godine; Zapisnik o pretresanju stana, drugih prostorija i pokretnih stvari od Verke Šljivić, Državna agencija za istrage i zaštitu BiH broj: 16-15/1-04-1-36/14, od 07.11.2014.godine; Potvrda o privremenom oduzimanju predmeta od Šljivić Šime, Državna agencija za istrage i zaštitu broj: 16-15/1-04-1-p-36/14, od 07.11.2014.godine; Zapisnik o pretresanju stana, drugih prostorija i pokretnih stvari od Andreja Bagavca, Državna agencija za istrage i zaštitu BiH broj: 16-15/1-04-1-37/14, od 07.11.2014.godine; Potvrda o privremenom oduzimanju predmeta od Šljivić Šime,

Državna agencija za istrage i zaštitu broj: 16-15/1-04-1-p-37/14, od 07.11.2014.godine; Izvještaj o provedenim posebnim istražnim radnjama po naredbama Suda BiH, Državna agencija za istrage i zaštitu, broj: P-16-15/1-04-1-435-86/14, od 26.03.2015.godine; DVD-ovi sa snimljenim konverzacijama vezanim za Naredbe Tužilaštva BiH broj: T20 0 KTA 0008967 14 i Naredbe Suda BiH broj: S1 2 K 016448 14 Krn; Naredba Suda BiH broj: S1 2 K 016448 14 Krn, od dana 20.06.2014.godine; Naredba Suda BiH broj: S1 2 K 016448 14 Krn, od dana 02.07.2014.godine; Rješenje Suda BiH broj: S1 2 K 016448 14 Krn 2, od dana 02.07.2014.godine; Naredba Suda BiH broj: S1 2 K 016448 14 Krn 3, od dana 11.07.2014.godine; Naredba Suda BiH broj: S1 2 K 016448 14 Krn 4, od dana 15.07.2014.godine; Naredba Suda BiH broj: S1 2 K 016448 14 Krn 5, od dana 18.07.2014.godine; Naredba Suda BiH broj: S1 2 K 016448 14 Krn 6, od dana 23.07.2014.godine; Naredba Suda BiH broj: S1 2 K 016448 14 Krn 7, od dana 06.08.2014.godine; Naredba Suda BiH broj: S1 2 K 016448 14 Krn 8, od dana 12.08.2014.godine; Naredba Suda BiH broj: S1 2 K 016448 14 Krn 9, od dana 19.08.2014.godine; Naredba Suda BiH broj: S1 2 K 016448 14 Krn 10, od dana 05.09.2014.godine; Naredba Suda BiH broj: S1 2 K 016448 14 Krn 11, od dana 19.09.2014.godine; Naredba Suda BiH broj: S1 2 K 016448 14 Krn 12, od dana 06.10.2014.godine; Rješenje Suda BiH broj: S1 2 K 01644814 Krn 15, od dana 10.10.2014.godine; Naredba Suda BiH broj: S1 2 K 016448 14 Krn 13, od dana 10.10.2014.godine; Naredba Suda BiH broj: S1 2 K 016448 14 Krn 16, od dana 14.10.2014.godine; Naredba Suda BiH broj: S1 2 K 016448 14 Krn 17, od dana 17.10.2014.godine; Naredba Suda BiH broj: S1 2 K 016448 14 Krn 18, od dana 29.10.2014.godine; Naredba Suda BiH broj: S1 2 K 016448 14 Krn 19, od dana 04.11.2014.godine; Rješenje Suda BiH broj: S1 2 K 016448 14 Krn 24, od 10.11.2014.godine; Rješenje Suda BiH broj: S1 2 K 016448 14 Kv2, od 04.12.2014.godine; Rješenje Suda BiH broj: S1 2 K 016448 15 Kv3, od 05.02.2015.godine; Rješenje Suda BiH broj: S1 2 K 016448 15 Krn 26, od 12.02.2015.godine; Molba za pružanje međunarodne pravne pomoći u krivičnim stvarima broj T20 0 KTO 0008967 14 od 11.11.2014.godine; Državno odvjetništvo, Ured za suzbijanje korupcije i organizovanog kriminaliteta, Republika Hrvatska broj: K-US-183/14, IS-US-58/14, od 17.prosinca 2014.godine, u vezi zamolnice Tužilaštva BiH broj T20 0 KTO 0008967 14 od 11.11.2014. godine; Nalog Županijskog suda u Rijeci broj: Kir-Us-54/14, od 30.svibnja 2014.godine; Nalog Županijskog suda u Rijeci broj: Kir-Us-54/14, od 12.kolovoza 2014.godine; Nalog Županijskog suda u Rijeci broj: Kir-Us-54/14, od 29.kolovoza 2014.godine; Izvješće prikrivenog istražitelja, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82/1-10-OGR-2/72-14.T.P., dana 10.lipanj 2014.; Izvješće, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82-3-OGR-2/72-US-14.DP, od 13.lipnja 2014.godine; Izvješće, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82-3-OGR-2/72-US-14.DP, od 24.lipnja 2014.; Izvješće prikrivenog istražitelja broj 1, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82/1-10-OGR-

2/72-14.T.P., od 23.lipnja 2014.godine; Izvješće prikrivenog istražitelja broj 2, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82/1-10-OGR-2/72-14.T.P., od 23.lipnja 2014.godine; Zapisnik o izvršenom popisu serijskih brojeva novčanica, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82/1-10-OGR-2/72-US-14.T.P., od 20.lipnja 2014.godine; Fotodokumentacija – Kriminalističko istraživanje kodnog naziva „GAS“, RH, Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-78-OGR-1932-21-2014.VG., od 24.lipnja 2014.godine; Izvješće, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82-3-OGR-2/72-US-14.DP, od 14.srpnja 2014.godine; Izvješće, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82-3-OGR-2/72-US-14.DP, od 18.srpnja 2014.godine; Izvješće, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82-3-OGR-2/72-US-14.DP, od 21.srpnja 2014.godine; Izvješće prikrivenog istražitelja broj 1, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82/1-10-OGR-2/72-14.T.P., od 20.srpnja 2014.godine; Izvješće, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82-3-OGR-2/72-US-14.DP, od 22.srpnja 2014.godine; Izvješće, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82-3-OGR-2/72-US-14.DP, od 28.srpnja 2014.godine; Izvješće, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82-3-OGR-2/72-US-14.DP, od 28.srpnja 2014.godine; Izvješće, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82-3-OGR-2/72-US-14.DP, od 28.srpnja 2014.godine; Izvješće, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82-3-OGR-2/72-US-14.DP, od 28.srpnja 2014.godine; Izvješće prikrivenog istražitelja broj 1, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82/1-10-OGR-2/72-14.T.P., od 27.srpnja 2014.godine; Izvješće prikrivenog istražitelja broj 2, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82/1-10-OGR-2/72-14.T.P., od 27.srpnja 2014.godine; Zapisnik o izvršenom popisu serijskih brojeva novčanica, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82/1-10-OGR-2/72-US-14.T.P., od 23. Srpnja 2014.godine; Fotodokumentacija, Kriminalističko istraživanje kodnog naziva „GAS“, RH, Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-78-OGR-1932-42-2014.GR/HG od 27. srpanj 2014. Godine; Izvješće, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82-3-OGR-2/72-US-14.DP, od 14.listopada 2014.godine; Izvješće, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82-3-OGR-2/72-US-14.DP, od 12.kolovoza 2014.godine; Izvješće, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82-3-OGR-2/72-US-14.DP, od 14.kolovoza 2014.godine; Izvješće, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82-3-OGR-2/72-US-14.DP, od 01.rujna 2014.godine; Izvješće, RH Ministarstvo unutrašnjih poslova, Ravnateljstvo policije,

Uprava kriminalističke policije, broj: 511-01-78-OGR-1932-75/2014., od 22.listopada 2014.godine; DVD x 2 ( Video zapis za dan 19.10.2014.godine) broj:511-01-78-OGR1932-75/2014., od 22.10.2014.godine; Izvješće, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-001-82-3-OGR-2/72-US-14.DP, od 10.studenog 2014.godine; Izvješće prikrivenog istražitelja broj 2, RH Ministarstvo unutrašnjih poslova, Ravnateljstvo policije, Uprava kriminalističke policije,broj:511-01-82/1-10-OGR-2/72-14.T.P., od 07. studenog 2014. godine; Fotodokumentacija, Kriminalističko istraživanje kodnog naziva „GAS“, RH, Ministarstvo unutrašnjih poslova , Ravnateljstvo policije, Uprava kriminalističke policije, broj: 511-01-78-K-12/2014.GR/HG, 08. studenog 2014. godine; Fotodokumentacija, Kriminalističko istraživanje kodnog naziva „GAS“, RH, Ministarstvo unutrašnjih poslova , Ravnateljstvo policije, Uprava kriminalističke policije, broj: 511-01-78-K-12/2014.GR/HG, od 08.studenog 2014.godine; Zapisnik o izvršenom popisu serijskih brojeva novčanica, RH, Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82/1-10-OGR-2/72-US-14.T.P., od 31. listopada 2014. godine; Izvješće policijskog službenika za posebne kriminalističke poslove, RH, Ministarstvo unutrašnjih poslova, Ravnateljstvo policije, Uprava kriminalističke policije,broj: 511-01-82/1-10-OGR-2/72-14.T.P., od 07.studenog 2014.godine; Izvješće policijskog službenika za posebne kriminalističke poslove, RH, Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82/1-10-OGR-2/72-14.T.P., od 27.srpnja 2014.godine; Izvješće policijskog službenika za posebne kriminalističke poslove, RH, Ministarstvo unutrašnjih poslova, Ravnateljstvo policije, Uprava kriminalističke policije,broj: 511-01-82/1-10-OGR-2/72-14.T.P., od 23. lipnja 2014. godine; Izvješće prikrivenog istražitelja broj 1, RH Ministarstvo unutrašnjih poslova, Ravnateljstvo policije, Uprava kriminalističke policije, broj: 511-01-82/1-10-OGR-2 /72-14.T.P., 25. kolovoza 2014. godine; DVD –Tehničko snimanje i praćenje osoba, MUP RH, Uprava kriminalističke policije PN Uskok- Služba Rijeka, broj: 511-01-78-K-12/14, od 15.12.2014. godine; Zapisnik o prvom ispitivanju okr. Mirka Jurkovića, Ured za suzbijanje korupcije i organizovanog kriminaliteta u Rijeci, broj: K-US-183/14 Is-US-58/14, od 08. studenog 2014.godine; Nastavni zapisnik o ispitivanju osumnjičenika Josipa Prolete, Ured za suzbijanje korupcije i organizovanog kriminaliteta u Rijeci, broj: K-US-183/14 Is-US-58/14, od 19. studenog 2014.godine; Evidencija Proleta Josipa, rođenog 14.02.1959.godine, nad kojim je provedena granična kontrola, Ministarstvo unutrašnjih poslova Republike Hrvatske, od 15.12.2014.godine; Zapisnik o vještačenju predmeta Jurković Zdravka, RH, Ministarstvo unutrašnjih poslova, Ravnateljstvo policije, Centar za forenzična ispitivanja, istraživanja i vještačenja „Ivan Vučetić“, broj:511-01-114/2-7129/14.LB, dana 15.12.2014. godine; Zapisnik o vještačenju predmeta, RH, Ministarstvo unutrašnjih poslova, Ravnateljstvo policije, Centar za forenzična ispitivanja, istraživanja i vještačenja „Ivan Vučetić“, broj: 511-01-114/2-6678/14.LJT, od 05.11.2014.godine; Zapisnik o vještačenju predmeta Nikolić Davora, RH, Ministarstvo unutrašnjih poslova, Ravnateljstvo policije, Centar za forenzična ispitivanja, istraživanja i vještačenja „Ivan Vučetić“, broj: 511-01-114/2-6839/14.LB, od 17.11.2014. godine; Fotodokumentacija, RH, Ministarstvo unutrašnjih poslova , Ravnateljstvo policije, Uprava kriminalističke policije, broj: 511-19-15/1-OKA-1052/14, od 14.10.2014. godine; Fotodokumentacija pretresa kuće i drugo u

kojoj stanuje Jurković Zdravko, Ministarstvo bezbjednosti, Državna agencija za istrage i zaštitu, broj: 16-10/6-02-FD/14 od dana 07.11.2014. godine; Fotodokumentacija pretresa kuće i drugo u kojoj stanuje Ostojić Mladenka, Ministarstvo bezbjednosti, Državna agencija za istrage i zaštitu, broj: 16-10/6-01-FD/14 od dana 07.11.2014.godine; Fotodokumentacija pretresa kuće i drugo u kojoj stanuje Šljivić Šime, Ministarstvo bezbjednosti, Državna agencija za istrage i zaštitu, broj: 166-10/6-04-1-FD-35/14, od dana 07.11.2014. godine; Izvod iz kaznene evidencije za lice Jurković Zdravka, Ministarstva unutrašnjih poslova, Policijska uprava Čapljina, broj: 02-02/6-4-04-2531/14, od 07.11.2014. godine; Izvod iz kaznene evidencije za lice Ostojić Mladenu, Ministarstva unutrašnjih poslova, Policijska uprava Čapljina, broj: 02-02/6-22/14-P, od 07.11.2014. godine; Izvod iz kaznene evidencije za lice Šljivić Šime, Ministarstva unutrašnjih poslova, Policijska uprava Kakanj, od 07.11.2014. godine; Šest (6) DVD medija, tonskih zapisa značajnih telefonskih razgovora, pribavljenih tokom vršenja posebnih istražnih radnji nadzora i tehničkog snimanja telekomunikacija.

Na istom ročištu uloženi su i predmeti korišteni prilikom izvršenja krivičnog djela, za koje su se stranke i branioci u predmetnim sporazumima o priznanju krivice saglasili da se oduzmu od optuženih, i to: Mobilni aparat marke „NOKIA“, crne boje, IMEI broja: 354594054539741, telefonskog broja 063/171-589; Mobilni aparat marke „NOKIA“, sive boje, IMEI broja: 356345058134981, telefonskog broja, 063/282-928; Mobilni aparat marke „NOKIA“, siv-crne boje, IMEI broja: 356345058134981, telefonskog broja, 063/004-818; Mobilni aparat marke „LG“, crne boje, IMEI broja: 352074-03-852793-2; Mobilni aparat marke „SONY ERICSSON“, crne boje; Kutija u kojoj se nalazi SIM kartica serijskog broja: 8938703010017105695; Kutija od SIM kartice u kojoj se nalaze: SIM kartica serijskog broja: 89385024410003687425 i SIM kartica serijskog broja: 8938592108080134289; Mobilni telefon marke „NOKIA“, bijele boje, IMEI1-351730062531428 i IMEI2-351730062531436 sa SIM karticom, broj: 063/823-407; SIM kartica, „HEJ“ broj: 8938703010034322920; Mobilni telefon marke „NOKIA“, crne boje; Mobilni telefon marke „NOKIA“, bijele boje.

Budući da je odbrana izjavila da nema prigovora na dokaze Tužilaštva, isti su uloženi u sudski spis. Sud je utvrdio da prezentovani dokazi, van razumne sumnje, upućuju na zaključak da su optuženi počinili krivičnopravne radnje za koje se terete. Shodno navedenom, odnosno kako su u cjelosti ispunjene pretpostavke za prihvatanje zaključenih sporazuma, propisane odredbom člana 231. stav 6. Zakona o krivičnom postupku BiH, u nastavku ročišta održan je pretres za izricanje krivičnopravne sankcije.

#### **4. Krivična sankcija**

Na pretresu za izricanje krivičnopravne sankcije, Tužilaštvo je navelo kako se predlažući vrstu i visinu krivično pravne sankcije za svakog od optuženih rukovodilo stepenom krivice, odnosno okolnostima pod kojima je krivično djelo počinjeno, ranijim životom optuženih, te njihovim držanjem nakon učinjenog djela, a posebnom iskazanom saradnjom

u odnosu na druge pripadnike grupe protiv kojih se vodi postupak pred pravosudnim organima R. Hrvatske. Tužilaštvo smatra da će predloženim krivičnopravnim sankcijama u potpunosti postići svrha kažnjavanja, u smislu specijalne i generalne prevencije. U odnosu na optužene Zdravka Jurkovića i Šimu Šljivića, Tužilaštvo je izjavilo da je prilikom datog prijedloga, imalo u vidu da se radi o licima koja su ranije osuđivana za istvorsna krivična djela.

Branilac optuženog Zdravka Jurković navodi je kako je saglasan sa izlaganjem tužioca, dodajući da je njegov branjenik od samog početka sarađivao sa organima gonjenja, da je djelo priznao i da se kaje, te da je slabog imovinog stanja i da je otac četvero djece.

Optuženi Zdravko Jurković saglasio se sa navodima svog branioca.

Branilac optuženih Mladenke Ostojić i Šime Šljivića, takođe se saglasio sa navodima tužioca Tužilaštva BiH, iznesenim na pretresu za izricanje krivičnopravne sankcije, posebno naglašavajući da bi Sud, prilikom donošenja odluke o troškovima krivičnog postupka, trebao imati u vidu da su optuženi nezaposleni i da nemaju pokretne i nepokretne imovine, o čemu će naknadno dostaviti dokaz.

Sa navodima svoje odbrane saglasili su se optuženi Mladenka Ostojić i Šimo Šljivić.

Nakon ocjene svih činjenica i okolnosti koje su iznijete i obrazložene na ročištu za izricanje krivičnopravne sankcije, Sud je prihvatio sporazumom dogovorene sankcije i primjenom članova 39., 42., 48., 49. i 50. stav 1. tačka a) KZ BiH optuženom Zdravku Jurkoviću izrekao kaznu zatvora u trajanju od 5 (pet) godina i 6 (šest) mjeseci, a primjenom članova 39., 42., 48., 49. i 50. stav 1. tačka b) KZ BiH kazne zatvora izrekao i optuženoj Mladenki Ostojić i to u trajanju od 1 (jedne) godine, a optuženom Šimi Šljiviću u trajanju od 2 (dvije) godine i 6 (šest) mjeseci.

Sud je zaključio da su optuženi krivično djelo počinili u stanju uračunljivosti i sa umišljajem kao oblikom vinsti svjesni djela koje čine i htijući njegovo izvršenje, kao i da su ugovorene krivično pravne sankcije srazmjerne težini djela i stepenu krivične odgovornosti svakog od optuženih posebno. Sud je takođe zaključio da će se i sa ublaženim kaznama ostvariti svrha krivičnopravnih sankcija, u smislu odredbe člana 39. KZ BiH, kako prema optuženim, tako i prema ostalim potencijalnim počiniocima krivičnih djela.

U tom smislu, kao olakšavajuće okolnosti Sud je uzeo u obzir da su optuženi krivično djelo priznali već u ranoj fazi krivičnog postupka, što je doprinijelo bržem i efikasnijem okončanju postupka i smanjenju troškova. Sud je takođe cijenio i korektno držanje optuženih pred Sudom, te saradnju sa organima gonjenja, na način kako je to Tužilaštvo istaklo. U odnosu na optuženog Zdravka Jurkovića, Sud je od olakšavajućih okolnosti cijenio i činjenicu da je isti porodičan, otac četvero djece, dok je u odnosu na optuženu Mladenku Ostojić Sud cijenio da ista ranije nije osuđivana, dok je u odnosu na optuženog

Šimu Šljivića Sud cjenio njegove godine života s obzirom da se radi o relativno mladoj osobi. Otežavajuće okolnosti, u vidu ranije osuđivanosti za istovrsna krivična djela, Sud je uzeo u obzir u odnosu na optužene Zdravka Jurkovića i Šimu Šljivića.

## 5. Pritvor

Na osnovu člana 56. KZ BiH, optuženim Zdravku Jurkoviću, Mladenki Ostojić i Šimi Šljiviću Sud je u izrečene kazne zatvora uračunao vrijeme koje su proveli u pritvoru i to **optuženom Zdravku Jurkoviću** počev od 07.11.2014. godine do 05.04.2015. godine, po rješenjima Suda BiH broj: S1 2 K 016448 14 Krn 24 od 10.11.2014. godine, broj: S1 2 K 016448 14 Kv2 od 04.12.2014. godine, broj: S1 2 K 016448 15 Kv 3 od 05.02.2015. godine i broj: S1 2 K 016448 15 Kv 4 od 05.04.2015. godine, a **optuženim Mladenki Ostojić i Šimi Šljiviću** počev od 07.11.2014. godine do 07.02.2015. godine, po rješenjima Suda BiH broj: S1 2 K 0016448 14 Krn 24 od 10.11.2014. godine, broj: S1 2 K 016448 14 Kv2 od 04.12.2014. godine i broj: S1 2 K 016448 15 Krn 26 od 12.02.2015. godine

## 6. Oduzimanje predmeta

Odredba člana 74. KZ BiH propisuje oduzimanje predmeta koji su upotrijebljeni ili bili namjenjeni za učinjenje krivičnog djela ili koji su nastali učinjenjem krivičnog djela, kada postoji opasnost da će biti ponovo upotrijebljeni za učinjenje krivičnog djela ili kada se u cilju zaštite opće sigurnosti ili iz moralnih razloga oduzimanje čini neophodno, ako su vlasništvo učinitelja.

Shodno citiranoj zakonskoj odredbi, Sud je od optuženih oduzeo predmete upotrijebljene za izvršenje krivičnog djela, i to: od **optuženog Zdravka Jurkovića**, Mobilni telefon marke "NOKIA", sive boje, serijskog broja 356345058134981 sa SIM karticom korisničkog broja 063/282-928, Mobilni telefon marke "NOKIA", sivo-crne boje, serijskog broja: 351942050254414, koji su oduzeti od optuženog po Potvrdi Državne agencije za istrage i zaštitu o privremenom oduzimanju predmeta, broj: 16-15/1-04-1-8-34/14 od 07.11.2014. godine, od **optužene Mladene Ostojić**, Mobilni telefon marke "NOKIA", bijele boje, IMEI1-351730062531428 i IMEI2-351730062531436 sa SIM karticom broja 063/823-407, SIM kartica "HEJ" broja 8938703010034322920, Mobilni telefon marke "NOKIA", crne boje i Mobilni telefon marke "NOKIA", bijele boje, koji su oduzeti od optužene po Potvrdi Državne agencije za istrage i zaštitu o privremenom oduzimanju predmeta, broj: 16-15/1-04-1-P-35/14 od 07.11.2014. godine, a od **optuženog Šime Šljivića** mobilni telefon marke „NOKIA“, crne boje, IMEI broja: 354594054539741, telefonskog broja 063/171-589, po Potvrdi o privremenom oduzimanju predmeta, Državne agencije za istrage i zaštitu br. 16-15/1-04-1-8-37/14 od 07.11.2014. godine, Mobilni telefon marke „LG“, crne boje, IMEI broja: 352074-03-852793-2, Mobilni telefon marke „SONY ERICSSON“, crne boje, Kutija u kojoj se nalazi SIM kartica serijskog broja: 8938703010017105695, Kutija od SIM kartice u kojoj se nalaze: SIM kartica serijskog broja: 89385024410003687425 i SIM kartica serijskog broja: 8938592108080134289, koji predmeti su oduzeti po Potvrdi o

privremenom oduzimanju predmeta Državne agencije za istrage i zaštitu broj: 16-15/1-04-1-8-36/14 od 07.11.2014. godine.

Oduzeti predmet, nakon pravosnažnosti presude, biće uništeni u skladu sa odredbom člana 213. Zakona Bosne i Hercegovine o izvršenju krivičnih sankcija, pritvora i drugih mjera.

## **7. Troškovi krivičnog postupka**

Odredbom člana 188. stav 1. ZKP BiH propisano je da će Sud u presudi kojom optuženog oglašava krivim, izreći da je isti dužan nadoknaditi troškove krivičnog postupka. S druge strane, odredba člana 186. stav 2. KZ BiH propisuje da će Sud, ukoliko nedostaju podaci o visini troškova, donijeti posebno rješenje kada se ti podaci pribave.

U skladu sa navedenim zakonskim odredbama, Sud je optužene Zdravka Jurkovića, Mladensku Ostojić i Šimu Šljivića obavezao na naknadu troškove krivičnog postupka, o čijoj visini će Sud odlučiti posebnim rješenjem, po pribavljanju potrebnih podataka. Sud nije usvojio prijedlogu odbrane da optužene oslobodi obaveze naknade troškova ovog krivičnog postupka, rukovodeći se pri tome činjenicom da su optuženi zaključenim sporazumima o priznanju krivnje sa Tužilaštvom ugovorili solidarnu isplatu troškova krivičnog postupka, kao i da Sudu nisu prezentovali dokaze iz kojih bi se moglo utvrditi njihovo eventualno loše imovno stanje.

**Zapisničar**  
**Pravni savjetnik-asistent**  
**Erna Hodžić – Čučak**

**PREDSJEDNIK VIJEĆA**  
**SUDIJA**  
**Amela Huskić**

**POUKA O PRAVNOM LIJEKU:** Protiv ove presude nije dozvoljena žalba na izrečenu krivičnopravnu sankciju, dok se iz drugih razloga žalba može podnijeti u roku od 15 dana od dana dostavljanja pismenog otpravka presude, Apelacionom odjeljenju ovog suda. Žalba se podnosi u dovoljnom broju primjeraka.